

Publicaziun FUS per ils 25 da november 2016

Damonda da baghegiar nr. 49/16

Datum da publicaziun: ils 25 da november 2016

Proprietaris: Barla Caduff
Oberer Sandrütiweg 5
8754 Netstal

Object: Remplazzament e per part engrondiment dallas finiastras,
parcella 3157, Tavanasa

La damonda da baghegiar ei exponida sin canzlia communal. L'investa publica cuoza 20 dis dapi il datum da publicaziun.

Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.

Suprastonza communal Breil

Empustaziun da pigneuls da Nadal

Ils pigneuls vegnan furni en grondezias da ca. 100 cm tochen 250 cm. Ils prezis muntan mintgamai tenor qualitat e lunghezia sco era tenor sort a ca. frs. 15.00 tochen frs. 80.00. Ei dat pégn, viez e pégn nordic.

Las empustaziuns ein d'inoltrar alla canzlia communal a scret ni per telefon (081 941 11 55) entochen sil pli tard **venderdis, ils 09 da december 2016.**

Nus fagein attents la populaziun ch'igl ei scumandau da pinar pignola els uauls da vischnaunca. Cuntravenziuns vegnan punidas conform alla lescha forestala!

Administraziun communal Breil

Bestellung von Weihnachtsbäumen

Zur Abgabe gelangen Bäume mit einer Länge von ca. 100 cm bis 250 cm. Die Weihnachtsbäume kosten je nach Grösse und Art Fr. 15.00 bis Fr. 80.00. Es werden Fichten, Weisstannen und Nordmannstannen verkauft.

Bestellungen sind der Gemeindekanzlei Brigels bis **Freitag, 09. Dezember 2016** schriftlich oder per Telefon (081 941 11 55) einzureichen.

In den Gemeindewäldern ist es verboten Weihnachtsbäume zu fällen. Übertretungen werden aufgrund der Forstgesetzgebung geahndet.

Gemeindeverwaltung Brigels

Clom da quens 2016

Il quen communal vegn serraus cun ils 31 da december 2016. Vischinas e vischins, che han aunc da render quen cun la vischnaunca per ina caussa ni l'otra, ein supplicai da far quei entochen **sil pli tard ils 16 da december 2015**. Bien engraziament! Per eventualas damondas stein secapescha bugen a Vossa disposiziun.

Administraziun communal Breil

Rapport dalla seduta dil cussegl da vischnaunca dils 14 da november 2016

A caschun dalla sura numnada seduta ha il cussegl da vischnaunca priu differentas decisiuns.

1. Approbaziun dil protocol dalla seduta dil cussegl dils 16 d'ust 2016

Il protocol ei vegnius tarmess allas cusseglieras ed a tuts cussegliers. Il president dil cussegl suttametta el alla discussiun. Da tala vegn buca fatg diever. Il protocol vegn approbaus unanim.

2. Preventiv e quen d'investiziun 2017

Il president dil cussegl tschenta la damonda d'entrar ed arva la discussiun. Da tala vegn buca fatg diever. Cun tscherna unanima decida il cussegl d'entrar en la tractanda.

Il preventiv ei vegnius tarmess tier a tuts cussegliers per informaziun. Tal siara suenter expensas da frs. 8'694'900.00 ed entradas da frs. 8'739'050.00 cun in surpli entradas ell'altezia da frs. 44'150.00 Las amortisaziuns previdas muntan a frs. 900'000.00. Il quen d'investiziun preveda expensas da frs. 1'710'000.00 ed entradas da frs. 460'000.00 Las investiziuns netto muntan per consequenza a frs. 1'250'000.00

Il president communal repassa il preventiv dil quen current sco era dil quen d'investiziun e dat sclariments necessaris tier diversas posiziuns. Sin las damondas tschentadas sa vegnir rispundiu. Il cussegl approbescha entras tscherna unanima il preventiv 2017 per mauns dalla radunonza communal.

3. Pei da taglia 2017

Il president dil cussegl tschenta la damonda d'entrar ed arva la discussiun. Da tala vegn buca fatg diever. Il cussegl decida aschia d'entrar en la tractanda.

Mintg'onn han il cussegl da vischnaunca e la radunonza communal la pusseivladad da fixar il pei da taglia. La suprastonza communal ei sefatschentada cun la damonda e propona al cussegl da schar il pei da taglia ordinari sco tochen dacheu, v.d. sin 100 % dalla taglia cantunala sempl. Era il pei dalla taglia sin schischom duei restar sco tochen dacheu sin 1.7%o.

Las damondas vegnan suttamessas alla discussiun. Da tala vegn buca fatg diever. Cun tscherna unanima decida il cussegl per mauns dalla radunonza communal da fixar il pei da taglia ordinari sin 100 % dalla taglia cantunala sempl. Ultra da quei resta era il pei da taglia sin schischom sco tochen dacheu.

4. Approbaziun uorden da satrar e santeris dalla vischnaunca da Breil

Il president dil cussegl tschenta la damonda d'entrar ed arva la discussiun. Da tala vegn buca fatg diever. Il cussegl decida aschia d'entrar en la tractanda.

Cun l'invitaziun han las cusseglieras ed ils cussegliers retschert igl uorden revidiu. Il president communal dat sclariment sur dallas midadas da mintga artechel e daco ch'ei ha dau ina revisiun parziala. Vinavon informescha il president ch'ei fussi stau previu da reglar la fossa comunabla en quei reglament. La suprastonza communal ha denton sistiu quei artechel entochen che la sanaziun dalla baselgia ei finida. Quella strategia ei era el senn dil cussegl baselgia. La suprastonza communal vegn suenter la sanaziun dalla baselgia ad amplificar igl uorden cun quei artechel e suttametter quel al cussegl per approbaziun.

La discussiun vegn dada libra. Ei vegn fatg la proposta per pintgas adattaziuns da text sco era mesiras dalla crusch dallas urnas. Quellas midadas vegnan acceptadas tenor proposta.

Il cussegl da vischnaunca approbescha la revisiun parziala digl uorden da satrar e santeris dalla vischnaunca da Breil unanim cun quellas pintgas midadas da text.

5. Approbaziun cuvegna da prestaziun regiun Surselva

Il president dil cussegl tschenta la damonda d'entrar ed arva la discussiun. Da tala vegn buca fatg diever. Il cussegl decida aschia d'entrar en la tractanda.

Cun l'invitaziun ei il messadi sco era la cuvegna da prestaziun vegnida tarmessa tier. Quellas prestaziuns vegneven entochen ussa era schon purschi dalla regiun Surselva, aschia ch'ei setracta buca dad enzatgei niev. Las cuvegna ein vegni tschentai si cun la nova organisaziun dalla regiun Surselva naven dil 2016. Il president communal informescha il cussegl sur dil cuntegn da quella cuvegna. La conferenza da presidents fa la proposta d'approbar quella cuvegna sco presentada. Sin las damondas tschentadas sa vegnir dau risposta. Cun tscherna unanima decida il cussegl d'approbar la cuvegna da prestaziun cun la regiun Surselva sco presentada.

6. Varia

Il president dil cussegl, Maurus Tomaschett, engrazia per la presenza la discussiun e la collaboraziun. El siara la seduta allas 21.40 uras.

Breil, ils 16 da november 2016

Suprastonza communal Breil

AVIS :

La deponia verda ol Bostg ei aunc aviarta entochen **sonda ils 3 da december 2016**. Nus supplichein da prender enconuschientscha.

Suprastonza communal Breil